

6. maj 2022

UPA2022/69

AB-atuisunut aqqissuussamut, Danmarkimi atuuttumut assingusumik Naalackersuisut aallartitsinissaannik peqquneqarnissaannik Inatsisartut aalajangiiffigisassaattut siunnersuut.
(Inatsisartunut ilaasortaq Jens-Frederik Nielsen, Demokraatit)

Siullermik siunnersuuteqartoq Siumumiit qutsavigaarput.

Siunnersuut soqutiginaateqartoq misissornerani takusinnaavarput. Pingaartumik illuatungeriit isumaqatigiissimatillugit sanaartugassap ingerlanneqarnissaanut.

Atuisoq, suliaqartorlu taamaasillutik atsioqatigiinnermikkut sanaartukkap ingerlanerani pisussaaffeqalertarput. Sanaartukkallu ingerlanerani assigiinngitsutigut atsioqatigiissimaneq malillugu malitseqatigiillutik ingerlasinnaasarlutik.

Qularnanngitsumik taamatut aqqissuussisimanerup atuutsinnerani toqqissisimanarnerusumik atuisoq inissisimasassasoq naatsorsuutigineqarsinnaalluni.

Naalackersuisut akissutaanni aamma AP95 tassunga assingusoq innersuunneqarpoq.

Taassumallu misissornerani paasinarpoq arlalitsigut assigiissuteqartoq siunnersuummut tunngatillugu.

Kisianni tunngaviusumik Atuisoq sanaartortorlu sapinngisamik pitsaasumik suliap ingerlanerani periarfissinneqarnissaat uani pineqartoq paasinarpoq.

Aqqissuussinerit AB ordning, kiisalu Naalackersuisut akissutaanni pineqartoq AP 95, peqqissaartumik pitsaasumik alloriaqqinnissaq eqqarsaatigalugu ataatsimiititaliami susaasaqartumi suliarineqarnissaat Siumumiit innersuupparput ataatsimiititaliarlu sulilluarnissaanik kissaallugu.

Jens Kristian Therkelsen, Siumut